

LES

no. 4

LARMES ET LAMEN- TATIONS DE LA FRANCE.

VR LE TRESPAS DE
HENRY III. *Roy de France,*
& de Navarre.


Auec quelques Epitaphes.



A PARIS,

Chez BERNARD HAMEAU, au clos
Bruneau, pres le puits Certain, à l'image
sainct Sebastien.

Auec permission.





LES
LARMES ET
LAMENTATIONS
DE LA FRANCE.

DE BOUCHE le passage à la
vehemence de ta Iuste dou-
leur, (ô France) eue te tes
sanglots, distilles toy en larmes de
sang, coupe & desrompt tes che-
veux, viens donner le dernier bai-
zer aux leüres esteintes & passees
de ce Roy ton Pere, ton Pere (dis-
je) qui s'est infinies fois exposé aux
hazards & incertitudes des armes
& de la mort pour te faire reuiure,
qui a prodigüement risqué sa vie
dedans les perilleux chāps de Mars,

A ij

pour establir la tienne dedans la douceur de la Paix, qui à plusieurs fois respandu son sang dedans le choc & rencontres des batailles, afin que le tien ne fut point respandu, ô toy sa chere fille, desormais imite l'oyseau Trophony, qui ayât perdu la presence de son Pere, ne cesse de se plaindre & lamenter, ou fais cōme faisoient les Æthiopiens qui mouroient volontairement quand & quand leur Roy, & qui reputoiēt infames ceux qui les suruiuoient non non ne te termine en l'obseruation de leurs coustumes, mais vy pour fidellement seruir la Royale lignée qu'il t'a laissée pour te gouverner & regir, sacrifie à la legitime domination de LOVYS XIII. de ce nom son Fils, & son vray successeur, ta vie, tes affectiōs, tes biens & ton obeyssance. Vy vy

pour rédre les fidelles preuues d'un
dernier debuoir au precieufes reli-
ques de ceste grande Majesté, qui
rauiffoit en la contemplation de ses
merites & de son bon heur, tous les
yeux de l'vniuers, qui le designoit
seul digne de porter toutes ses Cou-
ronnes. Que tous les peuples qui
respirent dedans ton sein luy fas-
sét des Cenotaphes de leurs cœurs,
& viens brusler sur l'autel ou sera
l'urne de ces cendres, tous tes ac-
coustrements & Ioyaux plus pre-
cieux. Que ta bouche ne resonne
desormais que des Threnés, Aile-
nes, & chants funebres. Associe
avec les Palmes & les Lauriers dont
ce grand Roy t'auoit fait pompeu-
se, le Cypres, l'Ache, l'Amaráthe &
le Iossemin herbe sepulchrale. Eri-
geluy des Pyramides, qui ne cedét
en rien n'y en l'excellence, n'y ala

despence de celles d'Ægypte. dresse luy de ces Andriantes ou superbes statues, que la recognoissante antiquité consacroit à la memoire de ses Roys, vn seul Roy n'est mort en la mort de ce Roy.

Mais tout ce que les Roys (qui ont Seigneurié toutes les Monarchies) ont eu de plus releué & majestueux. En ce Roy sont morts mille Cefars, & mille Alexandres, vous qui fustes ses Hephéstions, continuez enuers sa posterité voz fidelitez, & vengez le detestable assassin commis en la personne de sa sacrée Majesté, par toutes les voyes ou vous pousseront les resentiments de vostre perte inestimable. Contemplez la suruiuance de son image parmy les lineaments du visage de son cher fils, qu'il vous a laissez pour seoir au lieu de luy en

son siege de Iustice, & tenir son Sceptre redoutable par toute l'estenduë de la terre. Assistez de vostre bon conseil & de vos armes sa Royale espouse, de qui les yeux sont sans cesse a la pluye, assistez dis-ie. Ceste Artemise des Gaulles, qui employe toutes les treües que luy donnent rarement les larmes & les souspirs à soigner au salut de l'Estat de la Frâce & au repos de ses sujets. O France que n'as tu esté la Medee de ce felon & barbare regicide qui ta priué de ton Soleil ? De qui l'Eclypse helas ! te cause de grandes perturbations en l'ame, Soys dorefnauant plus clair-voiante, & veille sur tes enfans que tu cõnoistras estre portez au meurtre & a la felonnie, de peur que leur meschât naturel empoisonné de mauuais desseins ne te produise

des fruiçts de tristesse & de dolean-
ce. Helas ce mal-heureux & abho-
minable françois Rauaillac la four-
ce de nos inopinées desolations te
fera-il ceste honte de se dire Fran-
çois ? Tout ce que les enfers ont
d'horreur & tout ce que les Poètes
ont attribué de rage au furies ani-
moit ce maudit, les enfers luy ont
donné naissance, ô peruers digne
de tous les suplices & de toutes les
gesnes qui se peuuent inuenter, ce-
ste debonnaire clemence qui re-
luisoit sur l'Auguste face de l'oinct
du Seigneur, n'a elle sçeu adoucir
ta ferocité ? Ceste debonnaire &
inefable clemence qui auoit faict
tomber tant de fois le fer des mains
des ennemis qui luy auoient esté
quelquesfois rebelles, n'a elle peu
faire tomber le cousteau homicide
de ta main meurtriere ? n'a elle peu
engour-

¶ lamentations de la France. 9

engourdir le bras qui la poussé aux
résolutions de perpétrer vn si inau-
dit attentat ? Auois tu retenu & fait
ton profit du pernicieux souchaiçt
que faisoit iadis ce detestable Mi-
santrope qui desiroit que tous le
môde n'eut qu'vne teste afin qu'en
l'abbattant , tous le monde finit ?
Mais tes attentes ont esté frustrees
par la preuoyance diuine, qui pour
le bien & seureté de son peuple
François a faict naistre & esclore
du tige du sacré Lys Royal, des fleu-
rons qui poussent & s'esleuēt pour
en perpetuer la tige & l'odeur a ia-
mais. Tu as assassiné le Pere, mais
graces à Dieu son Fils nous est de-
meuré pour se mettre en sa place.
Or afin que ceux qui viendront
apres nous sçachēt ce mal-heureux
esclandre, ie diray que le vendredy
14. de May le l'endemain du sacre

& du Couronnement de la Royne
qui auoit esté faict a saint Denis
en France solempnellement, le Roy
HENRY III. du nom Roy de
France & de Naurre voulut sur les
trois heures & demye apres midy
aller a l'Arcenal, & pour faire ceste
pourmenade se mist en son ca-
rosse accompagné de quelque no-
blesse de sa Cour, n'ayant voulu ce
debonnaire Prince qui se (confioit
a l'amour de son peuple) qu'aucuns
Archers, ny exempts des gardes de
son corps le suiussent, vn meschât
& perfide assassin nommé François
Rauillac, natif d'Angoulesme,
qui des long-temps auoit conspiré
contre sa Majesté, voyant sa depar-
tie le suiuit pour executer son ab-
hominable proiect, l'embaras de
quelques charettes qui venoient
au rencōtre de ce carosse (qui por-

toit le Roy) luy meit la facilité en main de faire reüscir sa mauuaise volonté: car voyant ce carosse arresté en la rüe de la Feronnerie, proche de saint Innocent, il se ietta sur le Roy ayant vn long couteau en la main qui tranchoit des deux costez, & le blessa au costé gauche de deux coups, lors que ce bon Prince parloit a l'vn des Seigneur il qui estoient en son carosse. Le premier coup effleura seulement la peau, & ne penetra pas auant. Le second fut mortel & perça la veine interieure vers l'oreille du cœur, & paruint iusques a la veine caue, qui s'est trouuée interressée, ou la pointe du couteau abboutit, qui auoit fait son funeste passage entre la cinquiesme & sixiesme costé. Ces deux coups furent prompts & plustost receus que veus: Le

meurtrier fut saisi & apprehendé, on rebrossa chemin droit au Louure ou le Roy fut porté, qui pour la grand abondance de sang qu'il auoit ietté par la bouche perdit la parolle & la vie, monstrant neanmoins en ceste mortelle agonie qu'il pensoit en Dieu, car il leua la veuë au Ciel en ioignant ses debiles mains comme s'il eut voulu appeller Dieu a son ayde. La piteuse nouuelle de ce triste accident se respendit par tout Paris, ou tu veis (pauure & desolee France) les habitans de ta ville capitale fondre en larmes & en pleurs, & se condouloir tant amerement que s'ils eussent r'auier leur Prince, par les hecatumbes de leurs vies propres, ils les luy eussent volōtairement toutes offertes. Pendant ce dueil extremes les Princes, Seigneurs, & Gen.

til-hommes allerent en diligence au Louure protester au Roy & a la Royne de leur foy & de leurs armes, les Gouverneurs des Provinces, apres le serment de fidelité presté a leurs Majesté, se retirerent en diligence en leurs gouverneméts pour preuoir à tout. Le Magistrat, & nommement celuy qui a esgard a la Police se transporta aux carrefours & place publiques de la ville, ou il feit crier viue le Roy, accoisant par sa prudence extreme l'emotion populaire, qui ne promettoit rien moins que du tumulte & du desordre, & est chose fort emerueillable qu'en vne si soudaine descõuenüë, vn si grand peuple que celuy de Paris se soit retenu dedans les limites de la paisibleté, hormis quelques vns d'entre-eux, qui arresterent & prindrent aucuns

Les larmes

qui vouloient sortir hors de Paris, presumants qu'ils estoient coupables & cōplices de ce François Ra-uaillac, pour autant qu'ils les voiet fuir precipitemēt, pour obuier aux seditions & remuments qui pouuoient ariuer, il fut enioinct aux dizainiers de la ville, de faire tenir les armes prestes aux bourgeois, qui toute la nuit se tindrent sur leurs gardes, mais il n'arriua aucune occasion pour remüer les mains. Le Samedy ensuiuant quinziesme iour de May par l'aduis du conseil, le Roy LOVYS XIII. de ce nom, vestu de violet qui est le dueil que portent les Rois, s'achemina aux Augustins, ou Messieurs de la Cour de Parlement, auoient transferé leur siege, pour donner place aux Ceremonies & manifestations qui se deuoient faire à l'en-

tree de la Roynes au Palais, ou seant en son liect de Iustice, il fut preclame Roy en la presence de la Roynes sa Mere qui fut assise a s^{on} costé, couuerte d'un Crespe noir, accompagnée de quatre Cardinaux, de quatre Pairs de France Ecclesiastiques, de plusieurs Euesques & Prelats de quelques Princes du Sang & d'autres Princes qui se rencontrerent en Cour. Monseigneur le Connestable y assista avec plusieurs Ducs, Pairs seculiers, Mareschaux de France, officiers de la Couronne & gouverneurs des Provinces. En presence de tous les susdits Seigneurs le Roy declara par Arrest prononcé de la bouche de Monseigneur le Chancelier, de l'aduis & consentement de toute ceste celebre assemblee & de celuy de la Cour de Parlement, la Roynes

Les larmes

la Mere regente en France, pour le
Gouuernemēt de sa Majesté & des
affaires de son Estat. Ce quelle ac-
cepta avec vne telle cōtenāce qu'ō
remarqua vn zele ardent en elle de
vouloir veiller pour le bié du Roy-
aume & du peuple, la faconde de
Monsieur Seruin son Aduocat ge-
neral feit paroistre par la harangue
qu'il feit que Pythō succroit ses pa-
rolles d'une douceur rauissante &
admirable. Les portes furēt ouuer-
tes a l'affluence du peuple, qui veid
son nouveau Roy seand en Gloire
au Throsne de son Pere, vueille la
lueur du Ciel luy faire assistance
partout, le preseruer des assassins,
& tenir en bonne vnion & con-
corde les Princes du sang les Sei-
gneurs, & officiers de la Courōne,
affin que la diuision ne regne par-
my eux, aux cōtētement de ceux
qui

Et lamentation de la France. 15

qui portent enuie au lustre & à la splendeur de la France, & qui en esperent du butin si elle pouuoit estre diuisee, fuyez ceste diuision nobles François) vnissez vos armes & vos puissances, si vous desirez cōseruer vos premiers Lauriers, & les accroistre de nouueau: remettez vous en memoire l'exemple du troussseau de fleches du bon Scileurus, qu'on ne peut rompre toutes estant bien ferreées, & liees ensēble. Scachez que la pierre Ponce estant emorcelee & par petites pieces, coule au fond de l'eau, & qu'elle laurnage quād elle ne l'est pas ou qu'elle est entierre, & toy France pour tesmoigner que bien que ta douleur soit dereglee, il te reste encore quelque ressentiment de la recognoissance que tu dois a la souuenance de ton Monarque,

Les larmes

rend luy les honneurs que les Thasiens decernerent aux Manes d'Agéfilas, dresse luy vn Sepulchre ou l'excellence de ceux de l'Antiquité soit vaincuë, ou l'artifice des Muses soit surpassé. Les Megapontains venererét de telle sorte Pythagoras apres sa mort, qu'il feirent vn temple de sa maison, fay vn temple du Louure de ton Prince, qui te gouuerna en sage, t'apprenant a bien viure & a bien faire, & y venera avecques toutes sortes de compliments l'Orient de ce nouveau Soleil qui dissipe les tenebres que l'Occident de la vie de ton Roy respandoit sur la face de ta felicité. Soys emulatrice de Publ, Catiene Philotime qui ayma tellement son Seigneur qui l'auoit affranchi, qu'il despésa tous les biens qu'il luy auoit laissez par testamment, a faire ses

Clamentations de la France. 16
obsecques & Pompes funebres,
n'espargne rien à faire le sembla-
bles à ton Prince qui ta affranchie
& ostee de la captiuité & seruitude,
ou les troubles passees t'auoient
plongee, & retribue la recompen-
se & le guerdon de ses innumera-
bles bien-faiçts, au Roy LOVY S
XIII. de ce nom, à la Royné sa me-
re & a toute sa Royale lignee pour
n'estre nottee d'ingratitude.

